

仰慕佛陀

大般若經綱要

淨空敬題





大般若經綱要

淨空敬題



普為出資及讀誦受持  
輾轉流通者回向偈曰

願以此功德·消除宿現業  
增長諸福慧·圓成勝善根  
所有刀兵劫·及與饑饉等  
悉皆盡滅除·人各習禮讓  
讀誦受持人·輾轉流通者  
現眷咸安樂·先亡獲超昇  
風雨常調順·人民悉康寧  
法界諸含識·同證無上道

中華民國八十五年十二月

恭印一萬冊

# 般若綱要

法印 85006

發行人 ◆ 孔服農

出版者 ◆ 財團法人佛陀教育基金會

地址 ◆ 台北市杭州南路一段五十五號十一樓

電話 ◆ (02) 三九五一一九八

傳真 ◆ (02) 三九一三四一五

劃撥帳號 ◆ 0七六九四九七九

戶名 ◆ 佛陀教育基金會

贈送處 ◆ 佛陀教育基金會附屬華藏講堂

◆ 台北市杭州南路一段五十五號三樓

行政院新聞局出版事業登記證局版臺業字第三八六九號

【贈送品 · 歡迎翻印 · 功德無量】

敬請

南無阿彌陀佛 · 求生淨土

常念

南無觀世音菩薩 · 消災降福



大般若經綱要

淨空敬題





般若綱要

卷五

..... 4 1 9

般若綱要

卷六

..... 5 1 1

般若綱要

卷七

..... 5 9 9

般若綱要

卷八

..... 6 9 1

般若綱要

卷九

..... 7 8 7

般若綱要

卷十

..... 8 8 5

般若綱要

後序

..... 9 9 3

目錄

大般若經綱要 序..... 5

般若綱要 小序..... 1 1

般若綱要 緣起..... 1 5

般若綱要 卷前..... 2 5

般若綱要 卷一..... 4 5

般若綱要 卷二..... 1 3 9

般若綱要 卷三..... 2 3 9

般若綱要 卷四..... 3 2 9

大般若經綱要序

西方聖人所說修多羅。浩汗洋溢。自非摩訶衍上士。具聞持海。不足以受。蓋非世間尋常文字。乃出世第一義天也。像法中有龍樹大士。以智辯威猛力。直詣大龍宮中。窮所結集法藏。見華嚴經三本。上本之品偈。皆以微塵數計。中本亦千餘品。約五十萬偈。此二本。謂非閻浮人心力所能持。遂卷而懷之。不傳於世。今之流通震旦。八十一卷者。蓋小本而猶未全者也。於戲。河伯望洋。鸞鳩控地。以此知佛演說海。佛言詞海。非凡小之見可窺測矣。大般若經六百卷。爲一大



藏之冠。然文有定品。句有定數。凡有目有口。可捧可觀。可讀可誦。然而禪叢講肆。展閱者良少。得非畏其繁重。不若八十卷之華嚴。尙有諷誦者歟。以此徵龍樹之言。能洞悉眾生方俗根解。非苟然也。余年運旣往。謝事宗社。從旦至暮。略披一二。諸健苾芻。見而笑曰。惡用是矻矻爲。君子三戒。血氣旣衰。戒之在得。况在老尊宿數。欲何所冀。而用是矻矻爲。余方捧經弗應。心知其惜我筋力。直未同我心志耳。甚矣。深經之難聞。菩提之不易種也。因作尊經遠邪論。以救末劫。七空居士葛公。毅調見之喜。而擊節焉。蓋葛公正以

是經文。句山積。浩難沙算。矢志節略。以便持受。不期而合。緘書脩贄。持其錄本。就正。余歎曰。語有之。磁石吸鐵。芒針引線。蓋言流濕就燥。物從其類也。余與葛公素昧平生。乃因此作合葛公。方獲余之心。余亦能通葛公之志。往昔殆皆般若會中人也。於是發經觀之。綱要條理。井井有序。約六百卷之文於五冊。綱要在是。全經在是。其節繁去複。裁酌運筆。大費精思。緣起六條。載諸卷端。公蓋幼希出世。長閱滄桑。書史之餘。雞鳴而起。孳孳焉。正如空山老衲。諷是經爲日課。誠所謂正信希有也。古稱五度如盲。般若如導。此經

宏詞妙辯。層見疊出。其闡揚佛慧。深廣幽玄。殊爲法門修習之要。此龍樹大論所由作也。惜今緇流宿學。有白首若不聞見。况悉其義哉。坐見黃口僧雛。每效呵佛。白衣廣額。咸易說禪。將非魔作佛。惱亂我心者耶。嗟嗟有生。疲薺世間。靈根自棄。髮雖短而心甚長。蓋皆長於攝生。而不知所以生。或長於世智。而不長於般若。且不知經之與禪。從一佛流出。佛外無禪。經中有趣。初無文字之相。又何禪教之岐乎哉。夫世相無常。上天難諶。蓬萊之水。清淺幾回。金銅仙人。淚流一夢。苟能聞薰般若。承事空王。馭娑館。尋香城。可不

作異觀。菩提場。缺陷界。亦混成一相。卽祇桓梵唄。洙  
泗絃歌。究竟無非一音。吾知葛公夙興夜寐。從事深  
經。其所得多矣。塤吹箎應。人有同心。能不興起。而想  
見靈山之法會焉。是爲序。

康熙十年辛亥四月望日古南樗叟通門牧雲氏書  
於懶齋之雨窗

般若綱要序

六

般若綱要小序

夫般若者。離言說相。離心緣相。迴絕中邊。超諸限量。烈燄寧容湊泊。迅雷不及思量。鞠其根源。覓一字脚。了不可得。乃大藏經中。究覽部類。至六百卷之多。將毋文字般若。與實相觀照之旨。固有大相徑庭者乎。曰。何爲其然也。自有祖以來。固曰不立文字矣。曰。別傳直指矣。然離教而叅。離教而悟。則先德所不許也。必以默然無言爲極。則事謂纔開口。便落今時。大慧所訶。爲默照邪禪者也。故雖有口。只堪挂壁。仍不礙橫說豎說。雖戒人抄錄其語。而善說法要者。自一言

半句。以至遍界遍空。相續不斷。爲無盡藏。如或文字  
作文字解。無文字作無文字解。非從葛藤中絆倒。卽  
向黑山下躲跟。皆不免擔板之譏。墮落兩頭。未識宗  
趣者矣。曹谿大師示不識字。然亦從般若半偈頓徹  
心源。而忍祖嘗勸人誦金剛般若。今是經流轉最廣。  
智愚咸習。則黃梅會中爲之發起也。是故縮之。則無  
住一言。該般若全部不爲少。展之。則六百全經。用剖  
破微塵不爲多。乃至森羅萬象。義海炳然。雲行鳥飛。  
風動塵起。種種現前。咸是第一波羅蜜多。彼情存數  
量。計少計多。未達法源。徒成戲論。茲藏本大般若部

凡六百卷。於世界海。剎塵數修多羅中。僅毛頭許。而  
我等心量昧劣。未免望洋。品目弗窺。况及義趣。吾友  
復菴居士。七空別號。剋究大法。既積歲年。向上一機。忘言  
默契。游泳之暇。彌更溫研。首尾紬繹者。三載。念部帙  
繁多。鮮能卒業。而其間義同文複。亦不可致詰。雖大  
聖微言。或繁或簡。未易以常情臆測。而流通無力。披  
覽多艱。接物之緣。將虞。或闕敬殫心思。提綱舉要。約  
爲十卷。略備大觀。使一切獲覩。是編者登第一義天。  
而天光常發。入法流漩。復海而具足海味。弘法之懷。  
勤且切矣。倘增慢禪流。更掇拾緒言。謂我宗無語句。



亦無一法與人。敢問如是十卷立文。爲是語句。爲非語句。是有法與人。是無法與人。請具眼者。試判斷看。

濟宗學人法同學弟張立廉拜述